

## Headlines

1. भारत नै उच्चर सिंधु जल संधि पर प्रतिबंध लागू रखने दा फैसला कीता ऐ- जिच्चर पाकिस्तान आतंकवाद खत्म नैई करदा।
2. केन्द्री सरकार नै आँदन कर नियम 2026 अधिसूचित कीते न- जेड़े अगले महीने दी पैहली तरीक थमां लागू होई जाडन।
3. Eid-ul-Fitr अज्ज पूरे जम्मू-कश्मीर च जोश ते मज़हबी अकीदत कन्नै मनाई जा'रदी ऐ। उपराज्यपाल मनोज सिन्हा ते मुखमंत्रि उमर अब्दुल्ला होरें लोकें गी शुभकामनां भेंट कीतियां।
4. जम्मू डिविजन च अज्जै थमां मौसम च सुधार होग। भद्रवाह-बनी सड़क ट्रैफिक दी आओ-जाई लेई ब्हाल।
5. ते भारती खड्गारी तनवी शर्मा होरें Orleans Master बैडमिंटन च महिलायें दे इक्कले-इक्कले आहले सैमीफाईनल च अपनी थाहर पक्की करी लैती ऐ।



## Indus water Treaty

भारत नै फही आखेया ऐ जे पाकिस्तान कन्नै सिंधु जल संधि उच्चर ठंडे बस्ते च रौहग जिच्चर इस्लामाबाद आतंकवाद गी समर्थन देना बंद नैई करदा। संयुक्त राष्ट्र च भारत दे स्थाई प्रतिनिधि पी. हरिश होरें आखेआ जे पाकिस्तान वैश्विक आतंकवाद दा केन्द्र ऐ ते उस्सी जल संधि बारे मुद्दे पुट्टने शा पैहले मनुकखी जीवन दी महत्ता बारे सोची लैना चाहिदा। उनें आखेआ भारत नै 1960 च सिंधु जल संधि पर दस्तख्त पाकिस्तान पर भरोसा करियै कीते हे पर

पाकिस्तान नै आतंकी हमलें ते जंगां करियै उस भरोसे गी तोड़ेया। भारत नै पिच्छले बरे पैहलगाम हमलें मगरा इस संधि गी मुअतल करी दिता हा। हरिश होरें इब्बी आखेआ जे भारत दी जल संधि च पर्यावरण बदलावे ते तकनीकी रद्दोबदल आली पेशकश गी पाकिस्तान नै नैई मन्नेआ। विश्व जल दिवस पर संयुक्त राष्ट्र च इक आयोजन दौरान बोलदे होई हरिश होरें आखेआ जे जल जीवन मिशन तैहत भारत सब्बनें तगर पीने आले साफ पानी दी पुज्ज बनाने लेई वचनेबज्जे दा ऐ।



### **Income Tax**

सरकार नै औदंन कर नियम -2026 अधिसूचित करी दिते न- जेड़े अगले महीने दी पैहली तरीक थमां लागू होई जागंन। नमें नियमें दा मकसद जटिल नियमें गी घट्ट करियै टैक्स सरिस्ते गी सखल्ला बनाना ऐ। खजाना मंत्रालय नै सूचना दिती ऐ जे Income Tax कानून 2026 दे नमें नियम- पराने जटिल सरिस्ते दे तंत्र दी थाहर लैगंन।



### **Digital Classroom**

जम्मू-कश्मीर सरकार नै पूरे संघ शासित जम्मू-कश्मीर च तजवीजशुदा क्लासरूम डिजिटल बोर्ड आली परियोजना गी मुकदा रूप देने लेई इक उच्ची सतह दी कमेटी दा गठन कीता। इस कमेटी दी अध्यक्षता JKGA दे मुख कार्जकारी अधिकारी करगंन ते उंदे कन्ने NICJK दे स्टेट इन्फमैटिक अधिकारी, IIT जम्मू ते NIT श्रीनगर दे प्रतिनिधि बी ऐन, जिनेंगी 45एं दिनें दे

अंदर-अंदर इस सरबंध्यै च अपनी रिपोर्ट पेश करने लेई आखेया गया ऐ। सूचना तकनीकी विभाग दे अंडर सैक्रेटरी मैम्बर कनवीनर होगंन- जिस्सलै के स्कूली शिक्षा विभाग दे अतिरिक्त सचिव होरें गी सिंगल प्वाईट ऑफ Contact दा दर्जा दिता गया ऐ।

<><><><><><>

### **Rajouri BRO**

राजौरी दे डिप्टी कमीशनर अभिषेक शर्मा होरें कल जिले च सीमा सिड़क संगठन बी.आर.ओ. आसेआ त्यार कीती जा'रदियें मुख सिड़क परियोजनाएं दी प्रगति दी समीक्षा कीति। डिप्टी कमीशनर होरें अखनूर-पुंछ एन.एच-144-ए-बुद्दल मोहर- गूल सिड़क- बेरीपट्टन चल्तास सिड़क ते थन्नामंडी- सुरनकोट सिड़कें सनें मुख सिड़क परियोजनाएं दी मौजूदा स्थिति दा जायजा लैता। उ'नें सरबंधत एजेंसियें गी तय-समें अंदर सब्बै कम्म मुकम्मल करने दे निर्देश जारी कीते।

<><><><><><>

### **Power Shutdown**

जम्मू बिजली विकास JKDCL दे चीफ इंजीनियर होरें सूचित कीता ऐ जे रयाल- पट्टी- रजेन्द्रपुरा- गुड़ा- नगरोटा- उत्तर बैहनी ते कन्नै लग्गदे इलाकें च 22 मार्च गी बड्डलै 8 बजे थमां दपैहरी 3 बजे तगर बिजली सप्लाई प्रभावित रौहग। नगरोटा- सैनिक स्कूल कट्टल- बट्टल IIT- ठंडा पानी ते आले-दोआले दे इलाकें च बिजली 23 मार्च गी बड्डलै 10 बजे शा 2 बजे तगर प्रभावित रौहग। इयां गै Kalta- Chak- Mansar- Kalka- Gool- Banihal-संगलदान-

हिलल- शेरबीबी Old नौगलु Sunari ते कन्ने लग्गदे इलकें च 23 मलरु ते 24 मलरु गी बिलली 10 बजे शा साइडे 4 बजे तगर प्रभलवित रौहग।

<><><><><><>

### Prog. Announcement

आकलशलवणी जम्मू दे कुेत्रीय सलललर एकलंश आसेआ औंदी 23 मलरु गी “शहीद दिवस-2026” दे मूके पर 25एं मिंटे दल इक विशेश कलरुकरुम प्रसलरित कीतल जलहग- जेहदल विशे हलग “ शहीदे दी कदे मृतुयु नेई हुंदी उन्दे आदर्श अमर हुंदे न”। इस विशेश कलरुकरुम दल प्रसलरण दपैहरी 12 बजे कीतल जलहग ते एहदे च सलहडे परौहने हलडन- केन्द्रीय विशवविदुयलल जम्मू दे Assistant Professor Dr. Ravail Prihar - जेहडे इस चरुल रलएं अपने मलहिरलनल बललर सलंझे करडन। इस कलरुकरुम दी मेजबलनी आकलशलवणी दे नुयुज एंकर विजय बजलज आसेयल कीती जलहग। इस चलली दे हलर प्रसलरणे लेई सुनदे रवो आकलशलवणी सलललर जम्मू मीडियम वेब 303 मीटर यलनि 990 किलो हर्टज ते एफ.एम 100 अशलरियल 3 मेगल हर्टज पर।

<><><><><><>

ते हुंन बलकि दिएं खबरें कन्ने पूनम डलगरल:-

<><><><><><>

### Eid- J&K

जम्मू-कशुीर च अज्ज थमलं रमज़लन दे पवित्र महीने दे सललपन दल प्रतीक Eid –ul-Fitra दल तुयलहलर बडे उत्सलह ते श्रदुधल कन्ने मनलयल जलरदल ऐ । शवुवल दे चन्नल दल जंदी संजल दिदलर

होआ हा- जेहदे कन्नै गै औपचारिक तौरा उप्पर रमज़ान दा समापन होई गया। जम्मू क्षेत्र दी मसीतें ते ईदगाहें च ज्हारां अकीदतमंद ईद दी विशेष नमाज अदा करने लेई आवा'रदे न। मजहबी विद्वानें- अकीदतमंदें गी जरूरतमंदें दी मदद करने ते ईद दी सच्ची भावना गी पूरे समुदाय च फैलाने दा आग्रह कीता। उपराज्यपाल मनोज सिन्हा होरें लोकें गी ईद दी मुबारकबाद दिंदे होई त्याग- सांझेदारी ते मानवता दी सेवा दी भावना अपनाने दा आग्रह कीता। उ'नें सब्बनें लेई शांति समृद्धि ते खुशी दी कामना कीती। मुख्यमंत्री उमर अब्दुल्ला होरें जम्मू- कश्मीर दे लोकें दे दुनियाभर च ईद मना'रदे सब्बनें लोकें गी मुबारकबाद दिती। उ'नें ईद दे अध्यात्मिक ते समाजक पैहलुएं पर लौस पांदे होई रमजान दौरान हिरख- एकता ते आपसी भाईचारे गी बधाने उप्पर जोर दिता। मुख्यमंत्री होरें पूरे क्षेत्र च स्थायी शांति विकास ते समृद्धि लेई दुआ कीती ते हर घर च खुशहाली दी कामना बी कीती।



### **Eid-ul-Fitr-National**

अज्ज् मुल्खै दे केईये हिस्सें च “Eid-ul-Fitr” दा त्योहार पूरे जोश ते मजहबी अकीदत कन्नै मनाया जा'रदा ऐ। अज्ज रमज़ान दा महीना खत्म होई गया ऐ। इस मौके पर मुस्लमान भा पारम्परिक लाब्बे लाइयै ईदगाहें ते मसीतें च ईद दी नमाज अदा करा'रदे न। सब्बै इक-दुए गी ईद दी मुबारक देया करदे न, अपने दोस्तें-मित्रें दे रिश्तेदारें दे मिठाइयां लेइयै मुबारखां देन जा'रदे न। दिल्ली च ईद दे मुख्य किट्ठ ज़ामा मस्जिद, फतेहपुरी मस्जिद दे शाही ईदगाह च लगगा'रदे न। इस मौके गिते सुरक्षा दे पुख्ता दे बंदोबस्त कीते गेदे न। राष्ट्रपति द्रोपदी मुरमू होरें ईद-उल फितर दे मुबारक मौके पर लोकें गी शुभकामनां भेंट कीतियां। अपने सनेह च

राष्ट्रपति होंरें आखेआ जे ए त्योहार आत्म-नियंत्रण दे कन्नो-कन्नी गरीब गुरबें दे प्रति दान-पुण्य ते दया-भाव रक्खने दा सनेहा दिंदा ऐ।

<><><><><><>

### **PM Eid Message**

प्रधानमंत्री नरेन्द्र मोदी होंरें बी लोकें गी Eid-ul-Fitr दी मुबारखां दितियां ते गलाया जे ए त्योहार सब्बनें दे जीवन च खुशहाली- नरोई सेहत-आ पसी हिरख प्रेम- सदभावना ते दया दी भावना लेइयै आये।

<><><><><><>

### **Bani- Basohli**

जम्मू डिविजन च अज्ज थमां मौसम च सुधार होआ ऐ मौसम विभाग नै अज्ज थमां 26 तरीक तगर मौसम दे खुशक रौहने दी पेशनगोई कीती ऐ। तोंआई सीमा सिड़क संगठन बी.आर.ओ. नै कल छतरगला-Pass थमां बर्फ हटाने मगरा भद्रवाह-बनी- बसौहली सिड़क गी यातायात लेई ब्हाल करी दिता ऐ। ऊआं भारी बर्फबारी करी मुगल सिड़क ते सिंथन Pass अजे बी बंद ऐ ते इत्थे बर्फु गी हटाने दा कम्म जारी ऐ।

<><><><><><>

### **Badminton**

Orleans मास्टर्स बैडमिंटन टूर्नामेंट च अज्ज फ्रांस दे पैलसे-डे च महिला सिंगल्स दे सैमीफाईनल च भारत दी तनवी शर्मा दा सामना जापान दी नोजोमी ओकुहार कन्नै होग। तनवी

नै कल क्वाटरफाईनल च जापान दी नात्सुकी निदेरा गी 21-14/21-14 कन्ने हराई दिता। दुए  
सैमीफाईनल च भारत दी ईशरानी बरुआ दा मुकाबला अज्ज रातीं थाईलैंड दी पिचाभोन कन्ने  
होग।

<><><><><><>